

**Izveštaj o aktivnostima Uprave policije Ministarstva unutrašnjih poslova
Kantona Sarajevo za juli 2023. godine**

1. Kriminalitet

1.1. Statistički pokazatelji

Prema službenim evidencijama Uprave policije MUP-a Kantona Sarajevo u julu 2023. godine, na području Kantona Sarajevo registrovano je 255 događaja s obilježjem krivičnog djela (što je za 84 ili 24,8% manje u odnosu na isti mjesec prethodne godine).

Od ukupnog broja registrovanih događaja s obilježjem krivičnog djela, 114 ili 44,7% je evidentirano po poznatom izvršiocu, a 141 ili 55,3% po nepoznatom izvršiocu.

Od ukupnog broja događaja evidentiranih po nepoznatom izvršiocu, naknadno je rasvijetljen 71 ili 50,4% (26,2% više) od čega su 22 događaja evidentirana u julu ove godine, a 49 u ranijem periodu.

OSNOVNI STATISTIČKI POKAZATELJI O DOGAĐAJIMA S OBILJEŽJEM KRIVIČNOG DJELA
U MJESECU JULU 2023/22. GODINE

| mjesec | Broj događaja sa obilježjem krivičnog djela | | | Broj naknadno rasvijetljenih događaja evidentiranih po nepoznatom izvršiocu | | Broj evidentiranih lica | | | Broj lica lišenih slobode | |
|--------------------------|---|-----------------------|-----------------|---|----------------------------|-------------------------|--------------|------------|---------------------------|--------|
| | Ukupno | od toga | | Ukupno | od toga iz ranijeg perioda | Ukupno | od toga | | | |
| | | po poznatom izvršiocu | po NN izvršiocu | | | | maloljetnici | povratnici | | |
| JULI 2023. GODINE | 255 | 114 | 141 | 71 | 49 | 168 | 4 | 98 | 73 | |
| JULI 2022. GODINE | 339 | 161 | 178 | 43 | 31 | 176 | 4 | 104 | 84 | |
| uporedba | +/- | -84 | -47 | -37 | 28 | 18 | -8 | 0 | -6 | -11 |
| | % | -24,8% | -29,2% | -20,8% | 65,1% | 58,1% | -4,5% | isto | -5,8% | -13,1% |

Za izvršenje događaja s obilježjem krivičnog djela prijavljeno je 168 osoba (osam manje), od kojih je 98 povratnika u vršenju krivičnih djela (šest manje) ili 58,3% od ukupnog broja prijavljenih, četiri maloljetnika (isti broj), a 73 osobe su lišene slobode (11 manje).

Za događaje s obilježjem krivičnog djela, koji su evidentirani u julu 2023. godine, prema izjavama oštećenih, nastupila je materijalna šteta u ukupnom iznosu od 410.401,00 KM i 220,00 € (u julu prethodne godine materijalna šteta iznosila je 568.667,00 KM i 650 €).

Uprava policije MUP Kantona Sarajevo je Kantonalnom tužilaštvu Kantona Sarajevo prosljedila na odluku putem administrativnog djelovodnika ukupno 119 obavijesti o počinjenom krivičnom djelu (23 manje), od čega su tri naknadno rasvijetljene (tri manje) i prosljedene tužilaštvu pod brojem krivičnog upisnika kao događaj s obilježjem krivičnog djela.

TABELARNI PREGLED DOGAĐAJA S OBILJEŽJEM KRIVIČNOG DJELA U MJESECU JULU 2023/22. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I BiH

| KZ FBiH-a i KZ BiH-a | JULI 2023. GODINE | JULI 2022. GODINE | usporedba ukupnog broja događaja s obilježjem krivičnog djela | | broj događaja po poznatom izvršiocu | broj događaja po NN izvršiocu | ukupan broj naknadno rasvijetljenih događaja | |
|---|-------------------------|-------------------------|---|--------|---|--|---|-------|
| | | | + / - | % | | | broj | % |
| Krivična djela protiv ustavnog poretka Federacije | 1 | 0 | 1 | --- | 0 | 1 | 1 | 100% |
| Protiv života i tijela | 17 | 35 | -18 | -51,4% | 16 | 1 | 0 | 0% |
| Protiv slobode i prava čovjeka i građanina | 13 | 24 | -11 | -45,8% | 13 | 0 | 3 | --- |
| Protiv spolne slobode i morala | 3 | 1 | 2 | 200% | 3 | 0 | 0 | --- |
| Protiv braka, porodice i mladeži | 16 | 12 | 4 | 33,3% | 16 | 0 | 0 | --- |
| Protiv zdravlja ljudi | 23 | 20 | 3 | 15% | 23 | 0 | 0 | --- |
| Protiv imovine | 143 | 206 | -63 | -30,6% | 12 | 131 | 61 | 46,6% |
| Protiv opće sigurnosti ljudi i imovine | 9 | 11 | -2 | -18,2% | 3 | 6 | 0 | 0% |
| Protiv sigurnosti javnog prometa | 9 | 9 | 0 | isto | 9 | 0 | 0 | --- |
| Protiv pravosuđa | 3 | 4 | -1 | -25% | 3 | 0 | 3 | --- |
| Protiv javnog reda i pravnog prometa | 12 | 14 | -2 | -14,3% | 11 | 1 | 2 | 200% |
| Protiv podmićivanja i krivična djela protiv službene i druge odgovorne funkcije | 0 | 2 | -2 | --- | 0 | 0 | 0 | --- |
| Krivična djela protiv sistema elektronske obrade podataka | 1 | 0 | 1 | --- | 0 | 1 | 1 | 100% |
| Protiv čovječnosti i vrijednosti zaštićenih međunarodnim pravom (KZBiH) | 1 | 0 | 1 | --- | 1 | 0 | 0 | --- |
| Dogovor, pripremanje, udruživanje i organizirani kriminal (KZBiH) | 1 | 1 | 0 | isto | 1 | 0 | 0 | --- |
| ZONDINOIM-a - Zakon o nabavljanju, držanju i nošenju oružja i municije | 3 | 0 | 3 | --- | 3 | 0 | 0 | --- |
| UKUPNO | 255 | 339 | -84 | -24,8% | 114 | 141 | 71 | 50,4% |

1.2. Pregled događaja s obilježjem krivičnog djela po oblastima

1.2.1. Protiv života i tijela

Tokom jula 2023. godine evidentirano je 17 događaja s obilježjem krivičnog djela iz oblasti protiv života i tijela (18 manje) i to: 16 po poznatom i jedan po nepoznatom izvršiocu. Evidentirani su slijedeći događaji:

- teška tjelesna ozljeda (član 172. KZ FBiH) – osam i
- laka tjelesna ozljeda (član 173. KZ FBiH) – devet događaja.

Nadležnom tužilaštvu podneseni su službeni izvještaji protiv 13 osoba, od kojih je šest povratnika (46,2%), a osam je lišeno slobode.

1.2.2. Protiv slobode i prava čovjeka i građanina

Evidentirano je 13 događaja s obilježjem krivičnog djela (11 manje) i to ugrožavanje sigurnosti za čije izvršenje je prijavljeno 11 osoba, od kojih su tri povratnika (27,3%), a dvije osobe su lišene slobode.

1.2.3. Protiv braka, porodice i mladeži

Evidentirano je 16 događaja s obilježjem krivičnog djela (četiri više) i to: nasilje u porodici, za čije izvršenje je prijavljeno 16 osoba, od kojih je pet povratnika (ili 31,3%), a devet je lišeno slobode.

1.2.4. Protiv zdravlja ljudi

Evidentirana su 23 događaja s obilježjem krivičnog djela iz oblasti protiv zdravlja ljudi (tri više), i to:

- neovlaštena proizvodnja i stavljanje u promet opojnih droga (čl. 238. KZ FBiH) – četiri i
- posjedovanje i omogućavanje uživanja opojnih droga (čl. 239. KZ FBiH) – 19 događaja.

Nadležnom tužilaštvu podneseni su službeni izvještaji protiv 23 osobe, među kojima je 15 povratnika (ili 65,2%) i 16 je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv četiri osobe zbog postojanja osnova sumnje da su u proteklom periodu u više navrata kupovali opojnu drogu "Marihuana" i "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona Sarajevo, čime su počinili krivično djelo iz člana 238. KZ FBiH-a (Neovlaštena proizvodnja i stavljanje u promet opojnih droga), a protiv 19 osoba koje su navodile druge osobe na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", itd.) čime su počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JULU 2023/22. GODINE

| VRSTA OPOJNE DROGE | juli 2023. GODINE | juli 2022. GODINE |
|--|-------------------|-------------------|
| Marihuana (paketići) | 73 | 4 |
| Marihuana (u gramima) | 1.180,472 | 56,836 |
| Amfetamin (paketići) | 3 | 3 |
| Amfetamin (u gramima) | 200,994 | 5 |
| Ecstasy (tablete kom.) | 2 | 1 |
| Kanabis (sjemenke) | 30 | --- |
| Speed (u gramima) | --- | 5,828 |
| Speed (paketići) | 18 | 1 |
| Kokain (u gramima) | 60 | --- |
| Kokain (paketići) | 3 | --- |
| pribor sa ostacima droge i ostalo (komada) | 62 | 1 |

1.2.5. Protiv imovine

Evidentirana su 143 događaja s obilježjem krivičnog djela protiv imovine (12 po poznatom i 131 po nepoznatom izvršiocu) što je za 63 ili 30,6% manje u odnosu na isti mjesec prošle godine. Evidentirano je:

- teška krađa (član 287. KZ FBiH) – 76 (15 manje), od čega je šest teških krađa na naročito opasan ili naročito drzak način (član 287. KZ FBiH stav 1. tačka b) (tri manje),
- krađa (član 286. KZ FBiH) – 42 (26 manje),
- oštećenje tuđe stvari (član 293. KZ FBiH) – 15 (četiri više),
- razbojništvo (član 289. KZ FBiH) – dva (šest manje),
- utaja (član 290. KZ FBiH) - tri (dva manje),
- prevara (član 294. KZ FBiH) – dva (14 manje), itd.

Nadležnom tužilaštvu podneseni su službeni izvještaji protiv 51 osobe, od kojih je 36 povratnika (70,6%), a 25 je lišeno slobode. Od ukupno 131 događaja evidentiranog po nepoznatom izvršiocu iz oblasti protiv imovine naknadno je rasvijetljen 61 događaj ili 46,6% što je za 25% više u odnosu na juli 2022. godine.

Tokom jula, prema objektima izvršenja teških krađa, 39 je izvršeno u stambene objekte (11 više), 20 u poslovne prostorije (12 manje), pet u motorna vozila (10 manje), na ulici - sedam (tri manje), itd.

Evidentirana su dva **otuđenja motornih vozila** (jedno ili 33,3% manje u odnosu na uporedni mjesec).

Evidentirana su 42 događaja s obilježjem krivičnog djela **krađe** (26 manje) i to: u stambene objekte - 14, u poslovne prostorije – 12 puta, na ulici - 11, u vozilima i na stajalištima GRAS-a - tri, itd.

Evidentirano je šest događaja s obilježjem krivičnog djela **teških krađa na naročito opasan ili naročito drzak način** (tri manje), u kojima su izvršioc, upotrebom fizičke snage (otimanjem i trganjem) u pet slučajeva i prijetnjom u jednom slučaju otimali novac i nakit, a evidentirani su: na ulici - pet puta i u prodavnici – jednom. Nadležnom tužilaštvu podneseni su službeni izvještaji protiv jedne osobe, povratnika u činjenju krivičnih djela, koja je lišena slobode.

U julu su registrovana dva događaja s obilježjem krivičnog djela **razbojništva** (šest manje). Nadležnom tužilaštvu podneseni su službeni izvještaji protiv četiri osobe, povratnika u činjenju krivičnih djela, koji su lišeni slobode. U ovom mjesecu naknadno su rasvijetljena četiri događaja s obilježjem krivičnog djela razbojništvo, prijavljena u junu ove godine.

1.2.6. Protiv opće sigurnosti ljudi i imovine

Evidentirano je devet događaja (dva manje) i to: izazivanje opće opasnosti – osam i nesavjesno čuvanje pasa i drugih opasnih životinja - jedan događaj, a nadležnom tužilaštvu podneseni su službeni izvještaji protiv tri osobe, a dvije su lišene slobode.

1.2.7. Protiv javnog reda i pravnog prometa

Evidentirano je 12 događaja s obilježjem krivičnog djela (dva manje) i to: nasilničko ponašanje - četiri, napad na službenu osobu u vršenju poslova sigurnosti i nedozvoljeno držanje oružja ili eksplozivnih materija – po tri, lažno predstavljanje i krivotvorenje isprave – po jedan događaj. Nadležnom tužilaštvu podneseni su službeni izvještaji protiv 11 osoba od kojih je devet povratnika (81,8%), a četiri su lišene slobode.

1.3. Događaji sa obilježjem krivičnog djela u kojima su učestvovala maloljetne osobe

Evidentirana su četiri događaja s obilježjem krivičnog djela, u kojima su učestvovala četiri maloljetne osobe, od kojih jedan povratnik. U odnosu na isti mjesec 2022. godine, broj događaja s obilježjem krivičnog djela smanjen je za jedan ili 20%, a broj maloljetnika ostao je isti.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U JULU 2023/2022. GODINE

| mjesec | Broj događaja sa obilježjem krivičnog djela | Broj evidentiranih maloljetnih lica | Broj povratnika |
|--------------------------|---|-------------------------------------|-----------------|
| JULI 2023. GODINE | 4 | 4 | 1 |
| JULI 2022. GODINE | 5 | 4 | 1 |
| Uporedba | -1 ili 20% | isto | isto |

TABELARNI PREGLED DOBNE STRUKTURE PRIJAVLJENIH MALOLJETNIH IZVRŠILACA U MJESECU JULU 2023/2022. GODINE

| mjesec | do 14 godina | od 14 do 16 godina | od 16 do 18 godina | ukupno |
|--------------------------|--------------|--------------------|--------------------|----------|
| JULI 2023. GODINE | 0 | 0 | 4 | 4 |
| JULI 2022. GODINE | 1 | 3 | 0 | 4 |
| Uporedba | -1 | -3 | 4 | isto |

STRUKTURA DOGAĐAJA SA OBIJEŽJEM KRIVIČNOG DJELA U KOJIMA SU UČESTVOVALA
MALOLIJETNA LICA U MJESECU JULI 2023/2022. GODINE

| Naziv krivičnog djela | juli 2023. | juli 2022. | +-% |
|------------------------|------------|------------|------------|
| Teška tjelesna ozljeda | 1 | 1 | isto |
| Laka tjelesna ozljeda | 0 | 2 | -2 |
| Ugrožavanje sigurnosti | 0 | 1 | -1 |
| Silovanje | 1 | 0 | 1 |
| Nasilničko ponašanje | 2 | 1 | 1 ili 100% |
| ukupno | 4 | 5 | -1 ili 20% |

1.4. Ostala protivpravna i asocijalna ponašanja

1.4.1. Aktiviranje minsko-eksplozivnih sredstava

U toku jula 2023. godine na području Kantona Sarajevo evidentiran je jedan događaj aktiviranja minsko-eksplozivne naprave (dva manje) usljed čega je nastupila materijalna šteta. Preduzimaju se aktivnosti na rasvjetljavanju događaja i pronalaženju učinilaca. Policijski službenici lišili su slobode jednu osobu zbog postojanja osnova sumnje da je dana 24.02.2022. godine izvršio aktiviranje nepoznate eksplozivne naprave u ulici Pavla Lukača, općina Novo Sarajevo uslijed čega je nastupila materijalna šteta na kućama i motornim vozilima.

Na području Kantona Sarajevo evidentirana je jedna anonimna dojava o postavljenoj eksplozivnoj napravi (osam manje), a odnosila se na banku. Nakon KDZ pregleda utvrđeno je da je dojava bila lažna. Preduzimaju se aktivnosti na rasvjetljavanju događaja i pronalaženju učinilaca.

1.4.2. Požari

Tokom jula 2023. godine, na području Kantona Sarajevo registrovano je 12 požara (jedan više), koji su za posljedicu imali dvije povrijeđene osobe. Požari su registrovani na području općina: Centar - četiri, Novi Grad - tri, Ilijaš - dva, Ilidža, Hadžići i Trnovo po - jedan požar.

Prema statističkim pokazateljima, tri požara su izazvana namjerno, jedan iz nehata, jedan zbog tehničkih nedostataka, dok uzroci sedam požara spadaju u kategoriju ostalih.

Požari su registrovani u:

- stambenom objektu - šest puta,
- saobraćajnom sredstvu - tri,
- pomoćnom objektu - dva,
- poslovnom prostoru- jednom.

Zbog izazivanja požara nadležnom tužilaštvu podnesena su četiri službena izvještaja za počinjeno krivično djelo iz člana 323 KZ FBiH (izazivanje opće opasnosti).

1.4.3. Samoubistva

Registrovana su četiri samoubistva (jedno više).

1.4.4. Ostale aktivnosti

U sklopu aktivnosti na oduzimanju nelegalno posjedovanog oružja i drugih predmeta oduzeta je jedna puška, šest pištolja, četiri noža i 43 komada municije raznog kalibra.

Fizičkim licima izdato je 147 odobrenja za nabavku vatrenog oružja i 219 oružnih listova.

2. Javni red i mir

U toku jula 2023. godine u oblasti javnog reda i mira evidentirano je 435 prekršaja (60 ili 12,1% manje), za čije izvršenje je prijavljeno 457 lica (59 ili 11,4% manje).

Prilikom narušavanja javnog reda i mira nije bilo teže povrijeđenih, dok je 14 osoba (šest više) lakše povrijeđeno.

Zbog učinjenih prekršaja u oblasti protiv javnog reda i mira izdato je 390 naloga (35 ili 8,2% manje) i podneseno 45 zahtjeva za pokretanje prekršajnog postupka (25 ili 35,7%).

Na prekršaje utvrđene Zakonom o prekršajima protiv javnog reda i mira odnosi se 409 (ili 94%), a na prekršaje koji su utvrđeni Odlukom općinskih vijeća o javnom redu i miru 26 prekršaja ili 6%.

Od ukupnog broja prijavljenih, 127 su povratnici (lica koja su i ranije činila prekršaje), a prema starosnoj strukturi, najbrojniji su u dobi preko 36 godina (213), između 26 i 35 godina (146), između 19 i 25 godina (98) učinilaca.

Najveći broj prekršaja evidentirano u PU Centar (109 ili 25% od ukupnog broja), a najmanje u PU Vogošća (pet ili 1,1%) prekršaja.

U odnosu na uporedni period, registrovano je smanjenje broja u PU Stari Grad, PU Novo Sarajevo, PU Hadžići i Trnovo, PU Vogošća, PU Ilijaš i Jedinica za saobraćaj, a povećanje u PU Centar i PU Novi Grad, dok je PU Ilidža imala isti broj prekršaja kao u uporednom mjesecu.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC JULI 2023/2022.GODINA

| STRUKTURA PREKRŠAJA | JULI 2023. | JULI 2022. | + - % |
|--|------------|------------|---------------|
| Tuča | 51 | 18 | 33 ili 183,3% |
| Naročito drsko ponašanje | 37 | 39 | -2 ili 5,1% |
| Odbijanje naređenja i omalovažavanje pol. služb. | 24 | 27 | -3 ili 11,1% |
| Prosjačenje | 156 | 205 | -49 ili 23,9% |
| Svađa, vika, nepristojno ponašanje | 14 | 19 | -5 ili 26,3% |
| Uživanje opojne droge na javnom mjestu | 36 | 20 | 16 ili 80% |
| Neovlaštena upotreba oružja | 2 | 0 | 2 |
| Paljenje petardi | 1 | 1 | isto |
| Ostali prekršaji | 88 | 122 | -34 ili 27,9% |
| Prekršaji prema Odluci općinskog vijeća o JRiM | 26 | 44 | -18 ili 40,9% |
| UKUPNO | 435 | 495 | -60 ili 12,1% |

Prema mjestu izvršenja, najveći broj prekršaja evidentiran je na ulicama, trgovima, putevima i drugim otvorenim prostorima – 401 (92,2%), a znatno manje na ostalim mjestima – 28, u ugostiteljskim objektima i u trgovinama i zanatskim radnjama po tri prekršaja. U odnosu na isti mjesec 2022. godine, smanjen je broj evidentiranih prekršaja na ulicama, trgovima, putevima i drugim otvorenim prostorima za 54, u ugostiteljskim objektima za 17 i u školama i školskim dvorištima za jedan, dok je povećan broj na ostalim mjestima za deset i u trgovinama i zanatskim radnjama za dva prekršaja.

Na području Kantona Sarajevo u julu 2023. godine održano je 195 javnih skupova (pet ili 2,6% manje). Policijski službenici Uprave policije proveli su planske aktivnosti za bezbjedno održavanje javnih skupova i izvršili 76 KDZ osiguranja.

3. SAOBRAĆAJ

Na području Kantona Sarajevo u julu 2023. godine registrovano je 867 saobraćajnih nezgoda (159 ili 22,4 % više), 777 s materijalnom štetom (166 ili 27,2 % više) i 90 s nastradalima (sedam ili 7,2 % manje).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU JULU 2023/22. GODINE

| | juli 2023. | juli 2022. | uporedba |
|---|------------|------------|------------------|
| UKUPNO SAOBRAĆAJNIH NEZGODA | 867 | 708 | + 159 ili 22,4 % |
| Saobraćajne nezgode s nastradalima | 90 | 97 | - 7 ili 7,2 % |
| Saobraćajne nezgode s materijalnom štetom | 777 | 611 | + 166 ili 27,2 % |
| POGINULO LICA | 1 | 2 | - 1 ili 50 % |
| - vozači | 1 | 1 | ----- |
| -putnici | 0 | 1 | - 1 |
| - pješaci | 0 | 0 | ---- |
| POVRIJEĐENO LICA | 102 | 114 | - 12 ili 10,5 % |
| - vozači | 61 | 65 | - 4 ili 6,1 % |
| - putnici | 26 | 25 | + 1 ili 4 % |
| - pješaci | 15 | 24 | - 9 ili 37,5 % |

Saobraćajne nezgode evidentirane su na području sljedećih općina: Novi Grad - 221, Centar - 213, Novo Sarajevo - 195, Ilidža - 103, Stari Grad - 57, Hadžići - 29, Ilijaš - 26, Vogošća - 19 i Trnovo - četiri saobraćajne nezgode.

U naselju je registrovano 798 saobraćajnih nezgoda, a van naselja 69.

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U JULU 2023. GODINE (U NASELJU I VAN NASELJA)

| SAOBRAĆAJNE NEZGODE | SA NASTRADALIM LICIMA | | | SA MATERIJALNOM ŠTETOM | UKUPNO | POSLJEDICE | | |
|---------------------|-----------------------|-----------------|-----------|------------------------|------------|----------------|------------------------|-------------------------|
| | s poginulima | s povrijeđenima | | | | broj poginulih | broj teže povrijeđenih | broj lakše povrijeđenih |
| | | teže | lakše | | | | | |
| u naselju | 1 | 20 | 58 | 719 | 798 | 1 | 22 | 67 |
| van naselja | 0 | 0 | 11 | 58 | 69 | 0 | 0 | 13 |
| UKUPNO | 1 | 20 | 69 | 777 | 867 | 1 | 22 | 80 |

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 634,
- na magistralnim putevima – 109,
- na lokalnim putevima - 62,
- na regionalnim putevima - 28 ,
- na putevima koji se ubrajaju u kategoriju ostalih – 34.

3.1. Posljedice saobraćajnih nezgoda

Tokom jula 2023. godine, u saobraćajnim nezgodama na području Kantona Sarajevo 103 osobe su nastradale (13 ili 11,2% manje). Jedna osoba je poginula (jedno ili 50 % manje), dok su 102 osobe povrijeđene (12 ili 10,5% manje), od čega 22 teže (tri ili 15,8% više) i 80 lakše (15 ili 15,8% manje).

3.2. Povrijeđene osobe u saobraćajnim nezgodama

Od ukupno 102 povrijeđenih, evidentiran je: 61 vozač (12 teže i 49 lakše povrijeđeno), 26 putnika (šest teže i 20 lakše) i 15 pješaka (četiri teže i 11 lakše povrijeđeno).

Starosna struktura nastradalih u saobraćajnim nezgodama:

- ispod šest godina - dva,
- od 6 do 17 godina - 11,
- od 18 do 24 godine - 17,
- od 25 do 30 godina - 20,
- od 31 do 40 godina - 19,
- od 40 do 50 godina -11,
- od 51 do 65 godina - 15,
- 66 i više godina - osam.

Starosna struktura nastradalih vozača u saobraćajnim nezgodama :

- od 18 do 23 godine - 11,
- od 23 do 30 godina - 16,
- od 30 do 40 godina - 14,
- od 40 do 50 godina - devet,
- od 50 do 60 godina - četiri,
- 60 i više godina - četiri,
- nepoznata starosna dob - četiri.

3.3. Uzroci saobraćajnih nezgoda

Na osnovu statističkih podataka i izvještaja o saobraćajnim nezgodama i nastradalim osobama, uzroci saobraćajnih nezgoda su:

- nepropisno izvođenje radnji u saobraćaju - 275,
- neprilagođena brzina - 117,
- kretanje vozilom unazad na kratkom dijelu puta - 38,
- nedržanje potrebnog odstojanja - 30,
- nedržanje vozila u kretanju što bliže desnoj ivici kolovoza - sedam,
- negiranje prvenstva prolaza - sedam,
- nepoštivanje saobraćajnih znakova - četiri,
- propuštanje održavanja puteva - četiri,
- nepropisno kretanje vozilom na raskrsnici - tri,
- uticaj alkohola - dva,
- oštećenje puta - jedan,
- nezaustavljanje vozila ispred pješačkog prelaza - jedan,
- ostali uroci - 378.

3.4. Aktivnosti policije iz oblasti sigurnosti saobraćaja

Tokom jula 2023. godine, policijski službenici Uprave policije MUP-a Kantona Sarajevo kontrolisali su:

- 19.764 vozila i vozača (4.529 više),
- 10.040 osoba u vozilima (2.394 više),
- pregledali 558 vozila (47 manje) i 335 osoba u vozilima (52 manje).
- 16 vozila je isključeno iz saobraćaja zbog tehničke neispravnosti (29 manje),
- 374 vozača su zatečena da upravljaju vozilom pod dejstvom alkohola (146 više),
- 411 lica bez korištenja sigurnosnog pojasa (11 više),
- 157 vozača bez položenog vozačkog ispita (isti broj),
- 58 vozača pod izrečenom zaštitnom mjerom (16 više),
- 625 vozača je zatečeno da koriste mobitel tokom vožnje (257 više),
- 1.953 vozila su učestvovala u saobraćaju bez važeće registracije (1.807 više).

Zbog kršenja propisa iz oblasti sigurnosti saobraćaja uručeno je 20.300 prekršajnih naloga vozačima (4.826 ili 31,2% više) i podneseno je 257 zahtjeva za pokretanje prekršajnog postupka (21 ili 8,9% više).

Zbog neprilagođene brzine i prekoračenja dozvoljene brzine kretanja vozila, izrečene su 5.994 prekršajne sankcije vozačima, dok je za prolazak vozilom kroz raskrnicu na znak uključenog crvenog svjetla izrečeno 114 prekršajnih sankcija.

Registrovano je devet događaja s obilježjem krivičnog djela protiv ugrožavanja sigurnosti javnog prometa (isto kao u julu prošle godine).

Policijski službenici Uprave policije su tokom jula organizovali akcije pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

S tim u vezi, od višestrukih povratnika u činjenju prekršaja iz oblasti ZOOBS-a oduzeto je ukupno 16 motornih vozila.

3.5. Mirujući saobraćaj i kontrola pješaka

Policijski službenici su tokom jula 2023. godine provodili aktivnosti u okviru saobraćaja u mirovanju i kontrole kretanja pješaka. Vozačima koji su vozila nedozvoljeno parkirali na javnim površinama, uručeno je 8.125 prekršajnih naloga (280 više), upozoreno je 165 vozača (65 manje), a specijalnim vozilom "pauk" premješteno je 241. vozilo (90 više).

Pješacima koji su kršili propise uručeno je 105 prekršajnih naloga (38 manje), a upozoreno je 19 pješaka (21 manje).

4. Zakonitost u radu

Tokom jula 2023. godine, registrovana su četiri pojedinačna napada (jedan više) na policijske službenike Uprave policije MUP-a Kantona Sarajevo. U napadima su učestvovala četiri punoljetne osobe, koje su u dva slučaja koristile fizičku snagu, a u dva motorna vozila.

Zaprimljeno je 26 predstavlki na rad policijskih službenika, od čega su 22 zaprimljene od strane građana, dok četiri predstavlke predstavljaju saznanja iz službe. Odbor za žalbe javnosti Skupštine Kantona Sarajevo razmatrao je 22 predstavlke i donio zaključak da se za šest predstavlki (tri manje) provede unutrašnja istraga, a da se za 16 predstavlki izvrše provjere i prikupi dokumentacija.

Okončano je 20 unutrašnjih istraga, od čega je Odbor donio zaključak da je u osam slučajeva istraga neosnovana, u tri slučaja osnovana, u šest slučajeva postupak je obustavljen, u dva slučaja stranka je odustala od predstavlke, dok je u jednom slučaju interni postupak prekinut.

5. Rad policije u zajednici

U okviru Rada policije u zajednici, tokom izvještajnog mjeseca preduzimane su aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijski službenici su provodili aktivnosti u oblasti prevencije, koordinacije rada s vladinim i nevladinim organizacijama, implementacije javnih kampanja u cilju podizanja svijesti građana o različitim oblicima društveno neprihvatljivog ponašanja, kao i jačanja partnerskog odnosa između lokane zajednice i policije.

Tokom jula realizovane su, između ostalih, slijedeće aktivnosti:

- Policajci u zajednici su održali 12 sastanaka s predstavnicima mjesnih zajednica, koji su rezultirali rješavanjem problema iznesenih od predstavnika MZ, zatim sastanke s predstavnicima kulturno-umjetničkog društva, centrom za socijalni rad, s povratnicima i manjinskim narodima i učestvovali u 11 kulturno-umjetničkih manifestacija i ostalih javnih skupova na području Kantona Sarajevo, koji su rezultirali ostvarivanjem saradnje i uspostavljanjem povjerenja između policije i građana.

- Policijski službenici su izvršili obilazak 143 žrtve nasilja u porodici kako u njihovim domovima tako i one koje su bile smještene u "Sigurne kuće", kako bi osigurali poštivanje izrečenih zaštitnih mjera, veći stepen sigurnosti za žrtve, kao i preventivno djelovanje na eventualno ponavljanje nasilja.

6. Migranti

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima trenutno boravi cca 1.373 migranta (85 ili 5,9% manje). U julu 2023. godine na području Kantona Sarajevo migranti su učestvovali u jednom događaju s obilježjem krivičnog djela (osam ili 88,9% manje) i to:

- Oštećenje tuđe stvari (čl. 293 KZ FBiH)

Policijski službenici kontrolisali su četiri migranta i nad jednim je izvršena kriminalističko-tehnička obrada.

Sarajevo, 17.08.2023. godine

Pripremili: Odjeljenje za analitiku, planiranje i evidencije

Obradili: Odjeljenje za odnose s javnošću